

Ն. ՌՈՒՐԻՆՆՆԵՅՆ

ԴԱՍԱԿԱՐԳԱՅԻՆ ՊԱՅՔԱՐՆ
ՈՒԿՐԱՅՆԱՅՈՒՄ XVII ԴԱՐՈՒՄ



ՀԻՍՆ ՌԻՍՈՒՑԻՉՆԵՐԻ ՎՈՐԱԿԱՎՈՐՄԱՆ ԻՆՍՏԻՏՈՒՏ

№ 4

ՀԵՌԱԿԱ ՌԻՍՈՒՑՄԱՆ ԳՐԱԳԱՐԱՆ

№ 4

9(47.71)

~~78~~

Ն. ՌՈՒՐԻՆՇԵՑՅՆ

ՄԱՐԿԱՆ Է 1937

A $\frac{7}{32859}$

7016650
~~259-9107~~

ԴԱՍԱԿԱՐԳԱՅԻՆ ՊԱՅՔԱՐՆ ՌԻԿՐԱՅՆԱՅՈՒՄ XVII ԴԱՐՈՒՄ

(Ոժանդակ հյուսիս հեռակայողներին)



3232

Պատ. Խմբագիր՝ Հ. ԽՈՒՇՈՅԱՆ
Թարգմ. Մ. ԶԱՔԱՐՅԱՆ
Արբանյակի՝ Ս. ՇԱՆՉՅԱՆ

Գիտնական սպարան
Գլավիլիս № 2245
Պատկեր № 31
Տիպո՛ 1000

▽



ԴԱՍԱԿԱՐԳԱՅԻՆ ՊԱՅՔԱՐՆ ՌԻԿՐԱՅՆԱՅՈՒՄ

XVII ԴԱՐՈՒՄ

1

XII—XIII դարերում Ուկրաինայի հողերում—Կիևի, Գալիցիա—Վոլինիայի, Չերնիգովի իշխանություններում—տեղի յեր ունենում ֆեոդալական մանրատման, քայքայվելու և ֆեոդալական մանր առանձնացած տիրապետությունների վերածվելու արագ պրոցես: Այս հողերը հարևան, ավելի ուժեղ ֆեոդալական կազմակերպությունների պայքարի ասպարեզ դարձնելը յերկար ժամանակ այստեղ ամրացրեց փոշխացած իրճակ:

XIV դարի կեսերին ուկրաինական հողերը ցրվեցին և ձեռքից ձեռք ընկան յենթարկվելով առանձին արտաքին քաղաքական կենտրոններին. Լեհաստանը գրավեց Գալիցիան և Արևմտյան Վոլինը, Լիտվայի իշխանության տակ ընկավ Վոլինի մնացած մասը, Պոդոլիան, Բերեստյան հողը. Վոսկե Հորդային անմիջականորեն յենթարկվում էյին Կիևի հողը, Պերեյասլավշինան, Պոտոլվլը և Կուրսկը, իսկ Մոսկվայի մեծ իշխանությունը զեպի իրեն քաշեց չերնիգովյան հողերի մի մասը: Միայն XIV դարի վերջին, Ուգեառոյի իշխանության ժամանակ, տեղի յեն ունենում այս հողերի համախմբում (բացառությամբ Լեհաստանի գրավածներին) Լիտվայի իշխանության ներքո. 1362 թվին Կիևը յենթակա յեր Լիտվային, XIV դարի 70—80-ական թվականներին Լիտվային յենթակա էյին Գնեպրից արևելք ընկած հողերը: Բայց Լիտվայի իշխանության տակն էլ այս հողերը պահպանեցին իրենց ներքին առանձնացածությունն ու քաղաքական առանձին կազմակերպությունը, վորը միայն XVI դարի յերկրորդ կեսին փորձում էյին վերացնել վարչական ռեֆորմներով:

Մինչդեռ բուն լիտվական իշխանության մեջ XIV դարի վերջում տեղի յեն ունենում բավականաչափ փոփոխություններ: 1386 թվին տեղի ունեցավ լեհական թագուհի Յագվիգի և լիտվական մեծ իշխան Յագայլի ամուսնությունը՝ 1385 թվին

կրելիս ավանուժ կնքված ունիայի հիման վրա: Այս ունիան ըսկիզբ դրեց Լիտվայի միավորմանը Լեհաստանի հետ, վոր իրականացվում էր հոգևուտ Լիտվայի և Լեհաստանի ֆեոդալական վերնախավի՝ վերջինիս բացահայտ գերակշռությամբ: Ուկրաինական հողերին պաշտոնեյական, ստորագաս դեր էր հատկացված այս միության մեջ. նրանք հարկադրված էին մասնակցելու լեհ-լիտվական արշավանքներին հյուսիս-արևմուտքում (կոբլ վերմանական որդենների դեմ Մերձբալտյան յերկրում) և հյուսիս-արևելքում (կոբլ նովգորոդի դեմ, Մոսկվայի իշխանության դեմ), վորոնցով նրանք իրենք շահագրգռված չէին: Սրա հետ միասին նրանք շահագործման առարկա դարձան լեհ-լիտվական մագնատների համար: Այս պատճառով ուկրաինական յերկրները թշնամական դիրք են բռնում և անջատողական շարժումների ոճախ դառնում Լիտվա-ռուսական պետության մեջ:

Սակայն XVI դարում լեհ-լիտվական վերնախավը իր համար գտնում է մի անսպասելի դաշնակից հանձին՝ Ուկրաինայում հանդես յեկող նոր ուժի՝ ուկրաինական մագնատության, վորն ուներ այդ ժամանակներն Ուկրաինայում կազմվող խոշոր ֆեոդալական տնտեսություններ:

Արդեն XV դարում Վոսկե Հորդայի անկումով Ուկրաինայի տերրիտորիայի վրա արտաքին պայքարը հանդարտվում է: Զապորոժյեյի բնակեցումը, վորտեղ կազմվում է ուկրաինական կազակությունը, արտաքին պաշտպանություն է ստեղծում նաև հին ուկրաինական հողերում՝ Կիևշինայում, Վոլինում, Պոդոլիայում, — վորոնք այս ժամանակ ստացել էին «վոլստ» («վլստ») — իշխանություն — տերրիտորիա կազմակերպված պետական իշխանությամբ), տեղի յե ունենում տնտեսական զարգացման ուշացած պրոցես. աճում են խոշոր հողային կալվածքներ հացահատիկային և անասնապահական մեծ տնտեսությամբ, վորոնք արագորեն կուլ են տալիս մանր շլյախտայի (մանր ազնվականության) նախկին փոշիացած հողատիրությունը և ստրկացնում Ուկրաինական գյուղացիության լայն մասսաներին:

Այս կալվածքի կենտրոնում գտնվում է բարինի տունն իր հողով, վոր մշակում են ճորտ գյուղացիները (ֆոլվարի): 1529 և 1566 թվականների լիտվական ստատուտները և 1557 թվականի „Устава на волокин“-ն մացնում են խիստ նորմաներ գյուղացիական հողաբաժինների (վոլոկների) և կոռվորական պարհակների համար, վորոնք սահմանվում են շարաթական 3 որ, բայց

լրացվում են արտակարգ մասսայական «տորկաներով» (խոտհունձի աշխատանքներով) ու գաշտաչին բերքահավաքի աշխատանքներով: Գյուղացիները հաշտարարվում են «ոռչիչ»-ներ (ժառանգականներ), «գասեղեղի»-ներ (հստածներ), «նեպոխոժի»-ներ (այսինքն հնարնակներ, վորոնք իրավունք չունեն սեզափոխվելու): Բարինի ֆորվարկում կուտակվում են հացահատիկի խոշոր պաշարներ, վորոնք հասնում են հարյուրավոր տոններին:

Սոչոր ֆեոդալ-մագնատն այս հացի պաշարներն սկսեց արտահանել Լեհաստանի վրայով Արևմուտք, դեպի Գրանի նավահանգիստը (Դանցիգ) և աֆրիկացի Արևմտյան Յեկվորոպա, վորը մեծ պահանջ էր ներկայացնում գեպի Ուկրաինայի հացահատիկային ու անտառային արդյունքները:

Հանդես են գալիս ուկրաինական խոշորագույն մագնատներ՝ Իշխան Ուարոժսկին (մոտ 80 քաղաքի ու ավանի և մոտ 2700 գյուղի տեր), Կորեցկիները, Զբարադսկիները, Ռուժիկսկիները և ուրիշներ:

Հենց այս մագնատները շահագրգռված դուրս յեկան սերտ գաշինք կնքելու Լեհ-լիտվական պետութան հետ, վորի վարչական ապարտան ու ռազմական կազմակերպությունը պետք է ապահովելին նրանց գերիշխանութունն ուկրաինական գյուղացիութան և իր քաղաքական պահանջանքները հաշտարարող ուկրաինական մանր շլյախտայի վրա, վորն իր հոգերից վտարվում էր մագնատութան հարձակման հետևանքով:

1569 թվին Լյուբլինում սեյմի գումարվեցին Լեհաստանի, Լիտվայի և ուկրաինական յերկրների ֆեոդալները: Կրկին հերթի յեր գրված բոլոր հոգերի վերջնական միացման (ունիայի) հարցը: Այս միացումը փաստորեն նշանակում էր հոգերը գնել Լեհաստանի իշխանութան ներքո: Այս անգամ հարցը լուծեցին ուկրաինական պատգամավորները: Այն ժամանակ, յերը Լեհաստանի առաջադրած պայմաններին հետ չհամաձայնող լիտվական պաները հեռացան սեյմից, ուկրաինացիք անմիջականորեն համաձայնութան յեկան լեհական ֆեոդալներին հետ և ահա ստորագրեցին ուկրաինական հոգերը Լեհաստանին միացնելու մասին:

Նրանք լեհական մագնատների հետ գաշնակցած, իրենց ձեռքն են գրավում ուկրաինական հոգերի կառավարման ամբողջ գործը: Նրանք հանդիսանում են ուկրաինական հոգերի ներկայացուցիչները լեհական սենատում, բարձր պաշտոններ են գրավում բուն Ուկրաինայում: Նրանցից են նշանակվում գորավար-

ներ, առանձին մարզերի կառավարիչներ, կաշտելյաններ, ամրոցների պարետներ և այլն: Նրանց ձեռքումն են կենտրոնանում նաև ուկրաինական լավագույն հողերը: Տեղական մանր ֆեոդալները փաստորեն յենթարկվում են նրանց:

Ունիան մուտք է բացում գեպի Ուկրաինա նաև լեհական մագնատի համար, վորն առաջանում է ուկրաինական մագնատի հետ կողք կողքի և միավորվում նրա հետ ընդհանուր զավթողական քաղաքականության մեջ: Այսպես շատանում են լեհական մագնատներ՝ Պոտոցկիների, Կալենովսկիների, Կոնեյսյուրսկիների կալվածքները: XVI դարի վերջին ուկրաինական ամբողջ Աջափը նրանք խլում են և հարձակումը փոխադրվում է Ջախաիր, վորտեղ նույնպես հանդես են գալիս Տիշկեիչների, Կոնեցյուրսկիների, Վիշնևեցկիների խոշոր տիրապետությունները (վերջինս գրավեց Պոլտավոյի ամբողջ նահանգը և իրեն յենթարկեց 50-ից ավելի ավան և գյուղ և մոտ 40 հազար գյուղացիական տնտեսություն):

Իր ներքին միասնականությունն ավելի ուժգնորեն ամրացնելու համար ուկրաինական-լեհական մագնատների գերիշխող բլոկը քաղաքական ունիան լրացնում է յեկեղեցականով, վորը հաստատված էր 1596 թվին Բրեստում:

Յերկու ունիան ել (Լյուբլինի և Բրեստի) գերիշխող ֆեոդալական վերնախավի գործն էր: Յեկեղեցական ունիան ուղղափառ և կաթոլիկ յեկեղեցու յուրատեսակ միացումն էր՝ ուղղափառ յեկեղեցու յենթարկումով Հռոմի պապին: Այս ունիայով ամենից ավելի շահագրգռված էյին ուղղափառ յեկեղեցու բարձրաստիճան սպասավորները՝ յեկեղեցական մագնատները, վորոնք աշխարհական մագնատների նման այս ճանապարհով ապահովում էյին իրենց համար քաղաքական և հողատիրական արտոնություններ, վորոնք լեհական թագավորության մեջ հատկացված էյին միայն կաթոլիկ հոգևորականությանը: Ունիան սրա հետ միասին նպաստում էր լեհական և ուկրաինական մագնատների կուլտուրական մերձեցմանը և ամրացնում նրանց ներքին գոգումը:

Ունիայի բուն պատմությունն սկսվում է ֆեոդալական յեկեղեցական յերարիւիայի ընդհարումով աճող մեշչանական-կազակային ռպոդիցիայի հետ, վորը պաշտպանելով իր ազգային ինքնուրույնությունը, դրա հետ միասին պաշտպանում է նաև իր ազգային կրոնն ու կուլտուրան:

Լեհական և ուկրաճնական մագնատների զավթողական քաղաքականութիւնը, պաշտպանութիւն ստանալով լեհական կառավարութեան կողմից, համառ դիմադրութիւն և առաջացնում ուկրաճնական գյուղացիութեան, շլյախտայի և ձախափնյա քաղաքների մեղչանութեան աստիճանաբար զոդվող, միմյանց հետ միացող ուժերի մեջ:

Անընդհատ մեծացող ճորտատիրական կեղեքման դեմ աճում և գյուղացիական շարժումների լայն ալիքը: Գյուղացիները փախչում են հարավային տափաստանը և հավաքվում Գնեպրի կղզիներում, սահանքների մոտ, վորտեղ ստեղծում են իրենց ռազմական կազմակերպութիւնը՝ Զապորոժյան Սեչը (Զապորոժյան ամրավայր): XVI դարի վերջերից նրանք այստեղից համառ կըռիվ են սկսում վորտտի-իշխանութեան մեջ ամբացած ֆեոդալիզմ:

Կովի յե յեխում նաև ուկրաճնական մանր ֆեոդալը—մանր շլյախտիչը—վորի հողերը նվաճում և մագնատը, նրան իրեն դարձնելով կախում ունեցող մարդ (այս հողագուրկ հողատերերի մի մասն իջավ ու հասավ գյուղացիութեան վիճակին և ճորտացվեց. այսպիսիք են պուտնի կոչված ծառաները և զրահավոր բոյարներն ուկրաճնական մագնատի կալվածքներում): Այս միջավայրից դուրս յեկան կազակային առաջին խոշոր ապստամբութիւնների առաջնորդներ Կոսինսկին և Նալիվայկան—նախկին շլյախտիչներ, վորոնց հողերը գրավել էին իշխան Ոստրոժսկիները: Այս շըլյախտան ամենից ավելի համախմբված բներով տեղավորվեց բուն Պոդնեպրովյեյում—լյուբեցկի և սստերսկի շլյախտաները:

Նրանց հետևից գնում և նաև ուկրաճնական քաղաքը, վորը նույնպես աճում ու ամբանում և Ուկրաճնայի տնտեսական վերելքի հիման վրա: Ծիշտ և, Աջափում մագնատութեան արագ աճումն այստեղ թուշլ չտվեց դարգանալու և ամբանալու քաղաքային կազմակերպութեանը, վորին՝ կլանում էր մագնատութիւնը: Բայց Չախափին, վորտեղ մագնատութիւնն ավելի ուշ և թափանցում, քաղաքը բավականաչափ ամբացավ, զարգացրեց արհեստագործական գործունեյութիւն և լայն միջնորդական առևտուր մի կողմից Մոսկովայի և մյուս կողմից հարավում թիւրքիայի ու Ղրիմի, արևմուտքում՝ Լեհաստանի ու Գերմանիայի հետ: Չախափնյա քաղաքները ամուր առևտրական կա-

պերով կտավեցին նաև Ուկրաինայի արևմտյան քաղաքների՝
Լվովի, Գուբնոյի, Ռոմնոյի և այլոց հետ: Իր հոգերի ու արհես-
տագործական ոգտավայրերի համար պայքարելիս բաղվելով
մազնատության հետ, քաղաքային առևտրական մեշչանությունը
հանդես և գալիս լեհական քաղաքական գերիշխանության դեմ,
վորի պաշտպանության տակ առաջանում էին Գդանի վաճառա-
կանն ու նրա գործակալը, հրշա-որենդարը, վորոնք իրենց ձեռքն
էին հավաքում տեղական առևտուրը:

Սրանք են այն սոցիալական խմբերը, վորոնք միացան
մազնատային-լեհական բյուրի դեմ պայքարելիս, յուրաքանչյուրն
առաջադրելով իր դասակարգային տարբեր ծրագիրը, բայց հա-
մաձայն լինելով ազգային համակենտրոնացման անհրաժեշտու-
թյան հարցում: Այս դասակարգային խմբավորումների մեջ որ-
գանապես մտավ նաև ուկրաինական կազակությունը:

Հին, բուրժուական պատմագրության համար կազակու-
թյունն ազգային ապագաստակարգային կազմակերպություն էր,
վորը հանդիսանում էր ուկրաինական անդասակարգ ազգի ներ-
կայացուցիչը լեհական գերիշխանության դեմ պայքարելիս: Սրա-
նով Ուկրաինայի պատմությունից վտարվում էր դասակարգա-
յին պայքարի ուսումնասիրությունը և, այսպիսով, ընկնում էր
դասակարգային այն կենդանի ուժերի ըմբռնումը, վորոնք մղում
էին այս պայքարը:

Բայց այս նույն ներքին սահմանափակությամբ տառապում
էր նաև մեր, մարքսիստական պատմագրության մեջ գերիշխող
Պոլրովսկու դպրոցը, վորը նույնպես պահպանել էր կազակու-
թյան վոչ-անդամազատ հասկացողությունը և խոսում էր XVII
դարի «կազակային հեղափոխության» մասին:

Միայն ամենավաղ փուլերում, XVI դարում, կազակությու-
նը կարող էր պահպանել ռազմա-արհեստագործական միության
սկզբնական բնույթը: Վորտից հարավային լայն տափաստան-
ները փախած գյուղացին այստեղ հանդես էր գալիս իբրև վոր-
սորդ, ձկնորս, ուղղակի իբրև: ռազմական միջոցներով ապրող:
Բայց նստակյաց դառնալով և մտնելով ամուր կազմակերպու-
թյան մեջ, Ջապորոժյեյի կազակությունն ապրեց շերտավորման
ընդհանուր պրոցես: Դնեպրում, Սորտիցա կղզում տեղավորվեց
նրա կենտրոնը՝ Ջապորոժյեյի Սեչի կայանը, վորտեղ ապրում
էր կազակների ավագանին և ուր կենտրոնացված էր կառավա-
րումը: Այս ավագանին ուներ բավականաչափ ռազմական ավար

և առևտրական յեկամուսներ, հարուստ ձմերանոցներ (հարուստ կազակների դաստակերտները Չապորոժեյի տափաստանում): Սեչականներն իրենք անմիջական կապ ելին պահպանում վոլոստի հետ, հաճախ պահպանելով այնտեղ նստակեցութուն և մասնակցելով նրա հասարակական կյանքին ու պայքարին: Նրանք նույնիսկ մասամբ ներգրավվում են վոլոստի քաղաքական ֆեոդալական կազմակերպութան մեջ: Լեհական կառավարութունը, վորը ազգական ուժի կարիք էր զգում, կազակութան մի մասը—մի քանի հազար հոգի—մտցրեց ցուցակի մեջ, կամ սեյնստորը, և ստեղծեց կազակային ծառայող, «սեյնստրային» զորք, վորն իր ծառայութան համար ստանում էր ուժիկ և հողամասեր: XVII դարում այս սեյնստրային կազակութան վերնախափն արդեն փաստորեն ձուլվում է հողատիրական շլախտայի հետ, այն ժամանակ, յերբ կազակների շարքային մասսան անմիջականորեն հարում է գյուղացիութանը:

Ուկրաինական հասարակութան առանձին դասակարգեր մի անդամից չեն մանում պայքարի մեջ: Ճորտատիրական կեղեքման դեմ, վորն առանձնապես սրվեց XVI դարի կեսերից, առաջինը վոտքի՞չկրավ Չապորոժեյի կազակութան շուրջը համախմբված գյուղացիութունը: Սակայն արդեն այս տարիներին շարժման շարքերում նրա ազգական ղեկավարների գերում մենք տեսնում ենք ոպողիցիոն շլախտային: 1592 թվին Կոսինսկին կազմակերպում է կազակային արշավ Ոստրոժսկու հողերի վրա, 1595-1596 թվերին հանդես է գալիս Լորոգան, իսկ չնրա հետևից՝ Նալիվայկոն, վորն իր կյանքը վերջացրեց թուրքական գերութան մեջ, կազակային յերգերի այդ հերոսը, յերգված Ռիլենի «գումա»-ներից մեկում:

Բայց վոչ շլախտայի մասսան, վոչ մեշչանութունն ամբողջութամբ դեռևս ընդգրկված չէր շարժումով, քանի զևս մագնատութան հարձակումը չէր բռնել բուն Պոդնեպրովյեն և Չախաիր: Դրա հետ միասին լեհական-մագնատային բլոկն ել կոմպրոմիսային քաղաքականութուն է վարում, ջանալով չարել հարերութունները՝ այդ ժամանակ կազակութան ազգական աջակցութան կարիքն զգալով Մոսկվայի թագավորութանը տիրանալու համար ծավալված կռվում: 1617-1618 թվերին Մոսկվայի մոտ կենտրոնացված էր կազակային մեծ զորք իր իսկ հետման Սագայդաչնու հրամանատարությամբ: Բայց Մոսկվայի պատերազմն ասարզյուն անցավ լեհական մագնատութան հա-

մար, և նա կրկին հարձակման և անցնում Ուկրաինայի վրա՝ կռիվ սկսելով Ջախափի համար:

Կռիվը նորից սրվում և: Այս կռիվն առանձին ուժով ծափարկեց 1630 թվին, յերբ կազակները վոյսքի կանգնեցին Տարաս Տրյասինայի գլխավորութեամբ (այն նույն Տարասի, վորի մասին Գոգոլը գրում և իր «Տարաս Բուլբա» վիպակը): Այս անգամ դժվարութեամբ ճնշելով շարժումը, վորի մեջ ակտիվ մասնակցում և վոլոստը, լեհական կառավարութեւնը փորձ արեց Սեչը կրտսրելու վոլոստից, վորի մասնակցութեւնն առանձնապես տարակուս յեր դարձնում շարժումը: Ֆրանսիայից հրավիրված ճարտարագետ Բուլլանը սահանքներից զեպլի վոլոստ տանող յեւքի վրա կառուցեց կողակ ամրոցը, վոր 1635 թվին գրավեց լեհական կայազորը: Բայց նույն տարում նոր ապստամբութեւնն ավերեց ամրոցը և մոտ յերեք տարի սպառնալիքի տակ պահեց Ջախափի լեհական-մագնատային տիրապետութեանը:

Գնալով ավելի լայնանում ու հզորանում և շարժումը, վորին գլխավորում են կազակային առաջնորդներ Պավլյուկը, Գուսյան, Ոստրանիցան: Մի անգամ էլ հաղթանակ տանելով 1638 թվին, լեհական-մագնատային բլոկն այս անգամ իր հաշվեառի ծանրութեան կենտրոնը նշանակելի չափով ուղղեց հատկապես վոլոստի, այս թվում նաև ավագանի-շլյախտային բլոկի վրա: 1638 թվի այսպես կոչված Որդինացիան, վոր հաստատված էր Ռադալում, Մաւրովոյի բանակատեղում, հարվածում էր նաև ավագանուն, հեռացնելով նրան ռեյեստրային կազակութեան ղեկավարութեւնից, փոխարինելով նրան մագնատութեան զբաժ մարդկանցով, վորոնց իրավունք էր վերապահվում անսահմանափակ կերպով գերիշխելու Ուկրաինայում:

Այս միջոցներով շարժումը ճնշվեց մի ամբողջ առանամյակով (1638—1648), վորը լեհական ազնվական ու բուրժուական պատմաբանների մոտ ստացավ «վոսկե դադարի» ժամանակամիջոց անունը: Այս ժամանակաշրջանում մագնատները, հենվելով լեհական ադմինիստրացիայի վրա, անբաժանորեն տիրապետում են Ուկրաինայում, գրավելով հողեր և ստրկացնելով բնակչութեանը:

Բայց այս քաղաքականութեան հետևանքը պիտի լիներ լեհական-մագնատային գերիշխանութեան դեմ մղվող կռիվում նշված յերկու խմբերի յեւ՛ մի կողմից—գյուղացիութեան և տոհմական կազակութեան, մյուս կողմից—ավագանի-շլյախտային-մեշանա-

կան բլակի միացումը: Յերկրորդ բլակի կազմակերպված յեւույթի հենց այս փաստի մեջ և այն նոր պայքարի առանձնահատկությունը, վոր բարձրացավ Ուկրաինայում, և նրա տարբերությունը XVI դարի վերջի—XVII դարի սկզբի կազակային պատերազմներից:

3

Ավագանի-շլախտային բլակի գլուխ կանգնեց չիգիրինյան հարյուրապետ Բոգդան Խմելնիցկին: Նա պատկանում էր հենց կազակային այն ավագանուն, վորին 1638 թվի Որդինացիան հանձնել էր լեհական մադնատության իշխանությանը, և շուտով էր վրա դրաց սրա ամբողջ ծանրությունը: Լեհական շլախտային մոտիկ, Ուկրաինայի լեհական թագադիր հետման (լեհական զորքերի հրամանատար) Պոտոցկու շրջապատին պատկանող, լեհական պալատում յեղած Խմելնիցկին այնուամենայնիվ զրկվեց էր կարվածքներից և անձնական հալածանքի յենթարկվեց լեհական շլախտիչ Չապլինսկու կողմից: Այս իրազարժությունների ազդեցության տակ Խմելնիցկին հեռանում է Չապորոժյան Սեչը և այնտեղ պատրաստվում կռվելու Լեհաստանի և մագնատների դեմ:

Մենք այս պատրաստության մասին քիչ գիտենք: Կազակային տարեկիր Վելիչկին, վոր գրել և արդեն XVII դարի վերջին կամ նույնիսկ XVIII դարի սկզբին, մեջ է բերում Խմելնիցկու ունիվերսալները (այսպես էլին կոչվում հետմանական պաշտոնական կոչերը) ուկրաինական ամբողջ շլախտայությանը («шляхетско урожонные казаки»):

Թեև այս ունիվերսալներն ավելի ուշ ստեղծված բաներ են, բայց նրանք անդրադարձնում են մերձավոր սերնդի տված գնահատությունը Խմելնիցկու դասակարգային որիննտացիային: Նա գիմում էր շլախտային, կազակային ավագանուն, արտոնյալ կողակությանը և հենվում էր նրա վրա: Չապորոժյեյ Սեչն սկզբում, գոնե պաշտոնապես, մնում է մի կողմ:

Լեհական-մագնատային բլակը շուտով ստիպված էր զգալու շարժման դասակարգային եյության փոփոխությունը:

1648 թվի մայիսի սկզբին Բոգդան Խմելնիցկին էր զորքով շարժվեց Ուկրաինայի վրա: Խմելնիցկու դեմ ուղարկված զորքի նշանակելի մասը յերկու հաջորդական հանդիպումների ժամանակ Դեղին ջրերի մոտ և Կորսունի մոտ (մայիսի 26-ին) անցավ

Մմենիցիցու կողմը: Լեհական մեմուարիստներն Ուկրաինայի շըլ-
յախտային մեղադրում եյին դավաճանության մեջ և Մմենիցի-
կու զորքի մեջ հաշվում եյին մի քանի հազար շլյախտիչ:

Հունիսի սկզբներին Ուկրաինայի ճանապարհը բացվեց Սը-
մենիցիցու համար:

Մմենիցիցու յերույթն ազդանշան հանդիսացավ նաև հարա-
ճուն գյուղացիական շարժման համար: Վերջինս բռնկվում ե
դեռևս մայիսին, սկսելով Չախափից: Սյատեղ, Վիշնևեցիու կալ-
վածքներում, տեղի յե ունենում նոր մագնատի կատարի կռիվն
իր տիրապետությունը հաստատելու համար, բարձրանում ե մաս-
սայական ապստամբություն, ժողովրդական գյուղացիական-կա-
ղակային ապստամբության հերոս Մաքսիմ Կրիվոնոսի գլխավո-
րությամբ: Հողը պատրաստ եր, և չանցավ մի ամիս եյ, ինչ ամ-
բողջ Չախափն ընկավ ապստամբների ձեռքը: Լեհական մագնատ-
ները փախան: Գյուղացիական ջոկատները շարժվում եյին նրանց
հետևից, մաքրելով Չախափը: Նրանց հարեց Բելոուսիայի սահ-
մանամերձ մարզերի գյուղացիությունը:

Հունիսի վերջին Ուկրաինայում տեղի յե ունենում կրկնա-
կի պատերազմ. յերկու ուժ ընդհանուր կռիվ են սկսում լեհա-
կան-մագնատային իշխանության գեմ և միանում այս կողմում:

Բայց թշնամու ընդհանուր լինելը խնդիրները նույնություն
չի նշանակում, և սխալ կլիներ մի շարժումը լուծել մյուսի մեջ,
դրանք հանդեցնել ինչ-վոր մեկ բանի: Պայքարի եյությունը հենց
նրա բարդության մեջ ե, նրա ներքին յերկվության մեջ:

Գյուղացիության կռիվն ուղղված ե Ֆեոդալական կեղեք-
ման ամբողջ սիստեմի դեմ, բայց ինչպես և Ֆեոդալական-ճոր-
տատիրական դարաշրջանի գյուղացիական ամեն մի պատերազմ
— այս կռիվը տարերային ե, անընդունակ առաջ մղելու կոնկրետ
հաստատուն ծրագիր, անխուսափելիորեն փոշխացած ե: Ավագա-
նի-շլյախտա-մեջչենական բլոկի կռիվը գերիշխող դասակարգային
միջուկի կռիվն ե, ուկրաինական կաղմավորվող ազգի կռիվը տըն-
տեսական գերիշխանության իր դասակարգային միանգամայն
վորոշակի ծրագրով, բայց այս պատճառով ել ազգային ինքնու-
րույնության նույնքան վորոշակի ծրագրով: Սակայն, այս ծրա-
գիրն ուղղված ե դեպի յերկու կողմ. լեհական-մագնատային գե-
րիշխանության և ժողովրդական մասսայական շարժման դեմ,
վորը խախտում ե այս դասակարգերի Ֆեոդալական գերիշխա-
նությունը:

Այսպես, միանշուակելով, համաձայնության գալով և բաղիւ-
վելով միմյանց, Ուկրաինայում տեղի չե ունենում յերկու պա-
տերազմ: Յուրաքանչյուր շարժում ունի նաև իր առաջնորդները:
Յեթե ավագանի-շլյախտայի գլուխ կանգնած և Բողդան Սմեխից-
կին, ապա գլուղացիական շարժումը գլխավորում են Կրիվոնոսը,
Նեչայը, Գլադկինը և ուրիշները: Յեթե կազակային ավագանու
շուրջը կազմված կազակային գուման գովերգում և Սմեխիցկուհու,
ապա ժողովրդական յերգը յերգում և Կրիվոնոսի, Նեչայի մասին
և ավելի ու ավելի թշնամաբար և վերաբերվում գեպի հետմանը:

Սմեխիցկին հենց սկզբից ըմբռնում և գլուղացիության շարժ-
ման ընդունած թափի վտանգը և վորձում և զսպել այն: Նա ջա-
նում և ապստամբող «խորոզներին» հետ ուղարկել «գութանի մոտ»,
այսինքն կողմորական աշխատանքների, և ավագանի-շլյախտա-
յին ծրագրի հիման վրա համաձայնության գալ լեհերի հետ: Բայց
սրա հետ միասին նա շտապում և գլխավորելու ամբողջ շարժու-
մը, վորպեսզի տիրանա նրան: Շարժման այս լայն թափի մեջ են
նրա ուժն ու նրա հաջողության նախադրյալները: Միայն հենված
այս մասայական շարժման վրա Սմեխիցկին կարողացավ միքա-
նի ամսում ամբողջ Ուկրաինան մաքրել լեհերից և 1648 թվի հոկ-
տեմբերի 20-ին Պիլյավցիի մոտ լեհական զորքին կրկին ջարդելուց
հետո ճանապարհ բացել իրեն գեպի Լեհաստան: Այստեղից Սմեխ-
իցկին շարժվեց Գալիցիայի խորքը (Արևմտյան Ուկրաինա), հա-
սավ մինչև Լվով, Լվովից մինչև Զամոստյե և այստեղ, Լեհաստա-
նի սահմանում, կանգ առավ:

Ինչո՞ւ կանգ առավ Սմեխիցկին: Ձե՞ վոր դրությունը բացա-
ռիկ նպաստավոր եր. լեհական զորքը ջարդված եր, Լեհաստանի
ճանապարհը՝ բացված. բուն Լեհաստանում մագնատ-շլյախտային
խմբավորումները պայքար եյին մղում նոր թագավոր ընտրելու
շուրջը (լեհական Վլադիսլավ թագավորը մեռավ 1648 թվի մայի-
սի 20-ին, կռվի հենց սկզբին), վորպիսի հանգամանքն ել ավելի
թուլացրեց Լեհաստանի դիմադրության ուժը:

Յեթե այնուամենայնիվ Սմեխիցկին չփորձեց առաջ շարժվե-
լու գեպի Լեհաստան, ապա սրա պատճառը պետք և վորոնել բուն
Ուկրաինայում շարժման ներքին պայմանների մեջ: Այստեղ, ինչ-
պես մենք տեսանք, կար յերկու շարժում իրենց հատուկ խնդր-
ներով, տարբեր առաջնորդներով: Սմեխիցկու հաշիվների մեջ չեք
մանում Ուկրաինան թողնելով իր մրցակիցների ձեռքը հեռա-
նալ Լեհաստանի խորքերը: Ընդհակառակը, ավագանի-շլյախտային

ըրկը պայքար եր մղում Ուկրաինայում տիրապետելու համար, և արտաքսելով լեհական ազմինխտարացիային ու մագնաաներին, նա ամենից առաջ պետք է հող սաներ իշխանությանը բուն ապարտ-տին տիրանալու համար: Այս պատճառով Խմենիցկու ռզին ըն-թանում եր վոչ թե դեպի Վարշավա, այլ դեպի Կիև: 1648 թվի դեկտեմբերին նա հանդիսավոր կերպով մտնում է Կիև և այստեղ ամրացնում ավագանու իշխանությունն Ուկրաինայում:

Յանկանալով ամրացնել այս իշխանությունը, նա հենարան է վորոնում միջազգային կապերի մեջ, Ղրիմի և Մոսկվայի, հա-րաբերություններում:

Մինչ այս Լեհաստանը նոր թագավոր Յան-Կազիմիրի (նա-խորդի յեղբոր) ընտրությունից հետո 1649 թվի ամառվա սկզբին փորձեց նորոգել պատերազմը: Սակայն Խմենիցկին մեծ զորք ու-ներ, վորին հարեց Ղրիմի խոնի զորքը: Խմենիցկու ռազմական նշանակելի հաջողություններն Ջրաբեժի և Ջրբովի մոտ լեհական զորքին ծանր դրության մեջ դրին, վորից նրան հանեց մասամբ թաթարների դավաճանությունը, վորոնք դրամական խոշոր փըր-կագնով հաշուություն էին քեցին լեհերի հետ: Բայց այնուամե-նայնիվ գերակշռությունը Խմենիցկու կողմն էր, և Լեհաստանն շտապեց ընդունելու կազակային ավագանու պայմանները:

1649 թվի ոպոստոսին Ջրբովի մոտ հաշուություն էին քեցին:

Ջրբովի հաշուությունը ձեռնառ էր կազակային ավագա-նուն, վորի սրահանջները նա լիովին բավարարում էր: Լեհաս-տանն ընդունեց ուկրաինական ավատնոմիան, իրրև ուկրաինական հեռամանություններ առանձնացնելով Կիևի, Չերնիգովի և Բրաց-լավի կուսակալությունները (զորավարությունները), այսինքն Կիևշինան, Պերեյասլավշինան և Չերնիգովշինան Չախափին և Վոլինիայի ու Պոտոլիայի արևելյան մասը՝ Աջտիին: Այս վայ-րերում վերացվեց լեհական ազմինխտարացիան և փոխարինվեց ընտրովի, ավագանու ազմինխտարացիայով: Վերացվեց մագնատա-յին հողատիրությունը, վորն անցավ ավագանի-շլյախտայի ձեռ-քը. հեռացվեց լեհական վաճառականը, վոր սեղ եր մաքրում ուկ-րաինական մեղանի համար:

Բայց Ջրբովի հաշուությունը վոչինչ չավեց ուկրաինական գյուղացիությանը. կազակային ռեյտորը, այսինքն կազակային ազատ զորքը, վոր հոացված եր մինչև 40 հազար հոգու,— սա կա-զակային ավագանու ռազմական ուժի հարցն է, և վոչ թե բուն

գյուղացիութեան դրութեան հարցը, վորն կառչել և հօգատեր շլյախտիչը:

Կազակային ռեյեսարի ճշգրիտ հաստատումը նշանակում էր, վոր ուկրաճնական մնացած ամբողջ գյուղացիութիւնը մնում էր ճորտական կախման մեջ:

Մոսկովայի դպիր Կունակովը, վորն ուշադրութեամբ հետևում էր ուկրաճնական անցքերի ընթացքին, 1649 թվի դեկտեմբերին Վարշավայից հաղորդում է.

«Քողբան Խմելնիցիու մոտ հավաքվեցին 50 000-ից ավելի խլոպ և ցանկանում էին նրան սպանել, իբրև թե ինչո՞ւ յես առանց մեր խորհրդի հաշտվել թագաւորի հետ»¹:

Հիրավի, Զբորովի հաշտութիւնը բացում և դասակարգային պայքարի նոր փուլ, պայքար, վոր ծավալվեց 1648 թվին: Յեթե 1648—1649 թվերի շրջանում յերկու բլթկը միացան Լեհաստանի և մագնատութեան դեմ կռիւիս, ապա կռիւ ժամանակավոր վախճանը, վորը հաղթանակ բերեց ավագանի-շլյախտայի բլթկին, պեաք և հանգեր նախկին դաշնակիցների բաղխմանը:

4

Ավագանին ամրացնում է իր հաջողութիւնները: Կազակային վերնախավից արագորեն կազմակերպվում է զնդի նոր աղմինիստրացիա: Խմելնիցիկին լաճն կերպով ունիվերսալներ-շնորհումներ և բաժանում ավագանու այս վերնախավին և շլյախտային՝ հողերի տիրանալու համար, ստրկացնելով ուկրաճնական գյուղացիութիւնը: Ի պատասխան սրա՝ նոր տերերի դեմ աճում է գյուղացիական ապստամբութիւնների ալիքը: Ուկրաճնան և սահմանակից բելոռուսական հողերը լի յեն Կրիվոնոսի, Ներաբայի, Դոնեցի, Պոդոբելլի, Կրիչևակու, Խուդոբելի գյուղացիական ապստամբ ջոկատներով:

Խմելնիցիկին այժմ աւտիվ կռիւի մեջ և մտնում այս գյուղացիական շարժման դեմ, — կռիւի, վորով լցվում է 1650 — 1652 թվականների ամբողջ շրջանը: «Այնտեղ մեր բոլոր ուրյադնիկները գաղանի հրաման ունեն ինձնից, վորպեսզի ինքնագլուխներին, վորոնք յեթե խռովութիւն սարքեն, բոլորին մահապատժի յենթարկեն»², — տեղեկացնում է Խմելնիցիկին:

¹ Հարավային և Արեւմտյան Ռուսաստանի ակտեր, III հ., էջ 401.

² Քաղված է Մ. Գրուեկովսկու «Ուկրաճնայի—Ռուսիայի պատմութիւնը» գրքից, IX հ., I մաս, էջ 21:

Յեւ, իրոք այս տարիներին հետզհետե ժողովրդական առաջնորդների մեծ մասն ընկնում ե, մասամբ իր իսկ Սմեկնիցկու հետ կովեկիս, մասամբ լեհերի հետ կովեկիս (Նեչայ Կրիվոնոս):

Ճորտացվող գյուղացիությունը ճորտական լծից լիախոնում եր դեպի Զապորոժյան Սեչը կամ Մոսկվայի սահմանից ներս: Ուկրաինայի լեհական կոմիսար Ադամ Կիսելը 1650 թվին հազորդում ե Վարշավա հետեյալը.

«Ամբոին այլևս անդոր լինելով հանգուրժել բռնապետությունը ե այն, վոր նրանց խռովությունների ու պաների դեմ ապստամբելու համար սպանում եյին զանազան տեղերում, հեռանում ե Գնեպրից այն կողմ, ե յես չգիտեմ, թե ել ով ե մնացել այստեղ»: ¹

Ուկրաինական ժողովրդական յերգը այսպես եր հիշատակում այնուհետե Սմեկնիցկու գործունեյությունը:

Գյուղացիական հուզմունքները շուտով պետք ե անդրադառնային նաե ավագանի-շլյախտայի զրության վրա, վորը սխալմամբ կարծում եր, թե կռիվը լեհական-մազնատային բլոկի դեմ վերջացած ե: Վերջիններս չեյին պատրաստվում հանձնելու իրենց զիրքերը. նրանք արթուն հետեում եյին Ուկրաինայի իրադարձություններին, հաշվի եյին առնում ուկրաինական շարժման թուլացումը:

Դեռևս 1650 թվի մարտին լեհական կոմիսար Ադամ Կիսելը գրում եր լեհական թագավորին, թե լեհական ինտելիցենցիան նպատակ ունի «յերկու կարևորագույն հանգամանք, այն ե՝ կաթոլիկ զավանաճքի վերականգնումը ե տերերի համար ոգտակար ճորտական պարհակների կատարումը»: ²

Լեհական մազնատները ժամանակ առ ժամանակ ստիպված եյին լինում սահմանափակվելու նրանց վերադարձված Վոլինիայի ե Պոդոլիայի տերրիտորիայով, վորտեղ նրանք զաժան հաշվատես են կատարում գյուղացիության վերաբերմամբ Հետման Կալինովսկու լեհական զորքի պաշտպանությամբ: Պան Կորեցկին, վերադառնալով իր կալվածքը, ամենից առաջ հրամայեց միքանի գյուղացու «բերերի վրա նստեցնել», վորպեսզի «խստության որի-

¹ Նույն տեղում, էջ 23:

² «Հին ակտերը վերլուծող ժամանակավոր հանձնաժողովի հրատարակած հիշատակարանները», II հ., II բաժին, էջ 27. Կիև. 1846:

նակ ցույց տա՝ ուրիշներին սարսափեցնելու համար»։ Ժողովրդի մեջ յերկար ժամանակ ապրում և պաների դաժան մահապատիժները հիշատակը։

1650 թվի վերջերից լեհերն սկսում են պատրաստվել հարձակումը նորոգելու հեամանական Ուկրաինայի վրա։

Կազակային ավագանուն հարկավոր էր կրկին պատրաստվել կռվելու, բայց այս անգամ դասակարգային բազան խիստ նեղացած դուրս յեկավ, ավագանի-շլյախատային բանակը հանդես յեկավ մեկուսացած՝ չհնարվելով գլուզացրիական հզոր շարժման վրա. նրա ուժերը նվազել էին։ Յեւքն այս դրությունից պետք և լինե՞ր արտաքին ոգնության դիմելը, զբսում դաշնակից վորոնելը։ Խմենիցիկին զիվանադիտական աշխուժ բանակցություններ և վարում. նա դաշնակիցներ և վորոնում Թյուրքիայում, Շվեդիայում, Մոսկվայում։ Բայց ուսու դաշնակիցը միայն Մոսկվան էր, վոր անմիջականորեն շահագրգռված էր Ուկրաինայում ծափաված կռվով։ Այս շահագրգռվածության մեջ էր, սակայն, նաև Մոսկվայի միջամտության վտանգը, Մոսկվան կռվի մեջ մտավ իր ծրագրով, իր նպատակներով։

Այսպես, Ուկրաինայում դասակարգային պայքարը բարդացավ Ուկրաինայի համար Մոսկվայի ու Լեհաստանի պայքարով։ Սա հետևանք էր այն պայմանների, վորոնց մեջ ծավալվեց Ուկրաինայի պայքարն ազգային առանձնացման համար։ Ուկրաինայի ազգային պարզացումն ուշացավ և այժմ բազմվում էր քաղաքականապես ավելի զարգացած ազգերի՝ Լեհաստանի ու Մոսկվայի հետ, վորոնց միջամտությունը պետք և խիստ փոփոխել կռվի ուղղությունն ու յեւթը։

Մոսկվան, վոր զարձեղ էր կենտրոնացած բազմազգի պետություն, XVII դարում արագորեն բնդարձակում էր իր տիրապետությունը։ Ուկրաինայի իրադարձությունները 1649 թվի սկզբից գրավում էին Մոսկվայի կառավարության ուշադրությունը, վորը հոգ էր պատրաստում Ուկրաինայի վրա արշավելու և նրան տիրելու համար։ Կազակային ավագանին Մոսկվայի կառավարությանը դիմում էր վոչ անյերկյուղ, նա խուսափում էր ճշգրիտ վորոշելու Ուկրաինայի ապագա հարաբերությունները Մոսկվայի հետ, իսկ ոգնություն խնդրելով, համառորեն վերապահություն էր անում, վորպեսզի ցարը հրամայի իր զորքին «գնալ Լիտվայի վրա», հարձակվել «իր կողմից» Սմոլենսկից, «իսկ Լեհաստանի վրա յես Զապորոժյեյի զորքին ևլ ոգնության

259-9107

A II 39859

չեմ կանչել: Լեհաստանը չի կարող դիմանալ մեր և Ղրիմի ցարի դեմ»:¹ Բուն Ուկրաինայում Մոսկվայի զորքի հանդես գալու հեռանկարը վախեցնում էր ավագանուն:

Լեհական հարձակումը ծավալվեց յերբ դեռ կողմերը չէյին պայմանավորվել միմյանց հետ: Իրադարձություններն ավելի արագ կատարվեցին, քան յենթադրում էյին թե Կիևում և թե Մոսկվայում: Յերբ ավագանին պատրաստ էր ընդունելու Մոսկվայի պայմանները, արդեն ուշ էր: Ուկրաինական զորքը, վորը հավաքված էր Բերեստեչկի մոտ և այստեղ թողնված էր դաշնակից Ղրիմի խանի կողմից, չափազանց թույլ էր Լեհաստանի հետ կռվելու համար: Մինչև ճակատամարտը թաթարների կողմից բռնի կերպով տարվելու անվան տակ Խմելնիցկին և ավագանին փախան բանակից, հուլիսի 10-ի ճակատամարտում ուկրաինական զորքը վոչնչացվեց: Ավագանին ստիպված էր Սպլիտակ յեկեղեցում հաշտություն կնքելու, վորի համաձայն նա կորցրեց Զբորովի հաշտության համարյա բոլոր նվաճումները:

Ավագանի-չլյախտային մնում էր միայն Կիևի կուսակալությունը: Մնացած հողերը վերադարձվեցին մագնատության ձեռքը՝ Լեհաստանի իշխանության տակ: Հարկավոր յեղավ նորից սկսելու կռիվը:

5

1652 թվից կռիվը մտնում և նոր փուլի մեջ: Ավագանի-չլյախտան, նահանջելով Դնեպրից այն կողմ, դաշնակցած ձախափնյա մեշչանության հետ, կրկին ձեռնարկում և ուժերի համակենտրոնացման: Բայց 1651 թվի կռիվն արդեն ցույց տվեց Խմելնիցկուն, վոր նրանք իրենք չեն կարող գլուխ հանել, և ավագանին նորոգում և բանակցությունները Մոսկվայի հետ: Սակայն, մի անգամ էլ փորձ և արվում կռվի բախտը վճռելու իրենց ուժերով, բայց ավագանու նոր ձեռնարկումները կրկին անհաջողություն են կրում. Վալախիայում ընկնում և Բոդրանի վորդի Տիմոշ Խմելնիցկին ուկրաինական զորքով. Ժվենեցի արշավանքը նույնպես վոչինչ չտվեց: Հարկավոր էր վճռել, և 1653 թվի ոգոստոսին Մոսկվայի դիվանագիտության ուժգին ճնշման տակ ավա-

¹ «Киевская Старина». 1880 թ., № 8. Վախտովի հոդվածը՝ «Բ. Խմելնիցկու առաջին հարաբերությունները Մոսկվայի հետ»:

գանին ընդունում և Մոսկվայի հպատակութիւն — «հավիտենա-
կան ճորտութիւն»:

Մոսկվայում հարցն արդեն կանխապես վճռված էր: Դեռևս
1653 թվի փետրվարին կայացավ Բոյարական դումայի վորոշու-
մը Ուկրաինայի միացման մասին: Հունիսից Մոսկվայում նիս-
տեր էր գումարում Յերկրային ժողովը, (Земский собор), սպա-
սելով Ուկրաինայի կողմից հպատակութեան պաշտոնական հայ-
տարարմանը: Վերջապես հոկտեմբերի 1-ին կայացավ ժողովի
վորոշումը և Ուկրաինա մեկնեց բոյարին Բուտերլինի Մոսկո-
վյան հանդիսավոր ղեսպանութիւնը:

1654 թվի հունվարի սկզբին Պերեյասլավում հավաքվեց
Մոսկվայի ղեսպանութիւնը հեամանի և կազակային ավագանու
հետ՝ հպատակութեան յերգում ընդունելու համար: Ավագանին
կրկին անգամ փորձեց վորեւէ չափով պաշտպանել իր անկախու-
թիւնը և ցարական ղեսպաններից պահանջեց հանդիսական յեր-
գում տալ Զապորոժյեյի բոլոր վոյնոստներում: Բայց Մոսկվայի
ղեսպանները պատասխանեցին վճռական մերժումով. իբրև թե,
Մոսկվայում սովորութիւն չէ, վոր Մոսկվայի ցարը յերգվի իր
հպատակներին:

Ճիշտ է, 1654 թվի մարտին ավագանուց և ուկրաինական
քաղաքներից ղեսպաններին շնորհեցին իրավունքներ և վորոտո-
ներ, հաստատվեց կազակային ավագանու և մեշչանութեան վորո-
շակի ինքնորոշում, ավագանուն և շլյախտային ամրացվեցին կալ-
վածքներ: Մոսկվայի կառավարութիւնն զբուշանում էր չափա-
զանց հպմեկ և խիստ միջոցներով ուկրաինացիներին մեջ դիմա-
դրութիւն առաջացնելուց և սկզբում սահմանափակվեց նրանով,
վոր կուսակալ նշանակեց նաև Կիևում: Դանդաղ ու հաստատ կեր-
պով Մոսկվան իր ձեռքն էր վերցնում Ուկրաինան:

Լեհաստանի հետ պատերազմը նորոգվելուն պես միայն,
ուկրաինական ավագանին պետք է զգար իր կախումը Մոսկվայից:
1654—1655 թվերին կովի որչեկտ հանդիսացավ Բելոռուսիան:
Ուկրաինական ավագանին վաղուց մտադրութիւն ունէր Բելո-
ռուսիան միացնելու և հարց բարձրացրեց Բելոռուսիայի վրա
հարձակելու մասին դեռևս 1651 թվին Մոսկվայի հետ բանակեցե-
լիս: Բելոռուսիայի միացումը պետք է ամրացներ նրա քաղաքա-
կան գրութիւնը և անտեսական զգալի ոգուաներ տար, ինքնու-
րոյն յերք բացելով նրա համար դեպի Արևմուտք: Բայց Մոսկ-
վան խելույն իր թաթը դրեց նվաճված բելոռուսական հողերի

վրա և, հեռացնելով ուկրաինական զորամասերը, նվաճված քաղաքներում դրեց իր կայազորներն ու իր կուսակալները: Միաժամանակ պատերազմական զբուխը ոգտագործվեց նրա համար, վորպեսզի հարց դրվի Ուկրաինայում Մոսկվայի կուսակալներ և կայազորներ մտցնելու մասին:

Տարածախուժյուններն արագորեն սրվում էին, և արդեն 1656 թվին Նովոհոլմոցկին բանակցություններ և վարում նախ Շվեդիայի, իսկ հետո Լեհաստանի հետ, նախապատրաստելով խզումը Մոսկվայի հետ: Այսպիսով, Պերեյասլավլի ակտը միայն առաջին փուլն էր այն պայքարում, վոր Մոսկվան մղում էր Ուկրաինայի քաղաքական հնազանդեցման համար, — պայքար, վորը շարունակվեց XVII դարի համարյա ամբողջ յերկրորդ կեսի ընթացքում:

Այս պայքարի ընթացքն զգալի չափով վորոշվում էր Ուկրաինայի բուն գերիշխող վերնախավի միջի հակասություններով. խոշոր հողատիրական շլախատայի ու Աջափի ավազանու և մանր ավազանու ու Չախափի մեղչանության միջև յեղած հակասություններով, այն մեղչանության, վորին սնտեսական կապերի ուժով հարում էր նաև Չապորոժյեյի կազակությունը: Մոսկվայի կառավարությունն Ուկրաինայի իր գաղութային քաղաքականությունը կառուցում էր այս խմբերի միջև յեղած հակամարտության սրման վրա, թուլացնելով նրանց դիմադրությունը փոխադարձ կռիվով, մինչև վոր ուկրաինական ավազանի-շլախատան ընդունեց Մոսկվայի որիննաացիան:

Բողզան Նովոհոլմոցկին մեռավ Լեհաստանի հետ բանակցություններ վարելու ժամանակ: Մոսկվայի կառավարությունը յերկյուղով երսպասում նոր հետմանի ընտրություններին Ռադայում, վորին անմիջապես հավաքել էր կազակային ավազանին: Նա առանձնապես յերկյուղ էր կրում, վոր Նովոհոլմոցկու վորդի Յուրիյի ընտրությունը ժառանգական ընույթ կտա հետմանական իշխանությանը: Մոսկվայից հատուկ լիազորություններով ուղարկված էր զպիր Վասիլիյ Կիկինը, վոր ընտրոշ հրահանգ էր ստացել:

«Այս Վասիլիին, վոր ճանապարհ և գնում, Նեժինում և ուրիշ քաղաքներում, հավասարապես խոսել կուսակալների հետ և բորմիստրների հետ և մեղչանների հետ... Յե՛վ չկամ արդյոք այժմ ամբոխի մեջ վորևե խոսվություն գնդապետների դեմ, և յեթե կա, և ինչի համար, և ինչ են ակնկալում նրանք, և կուզեն ար-

դյոք նրանք, վոր նրանց մոտ քաղաքներում պետական կուսակալներ լինեն»։¹

Հինց այստեղ նշվում եր, վոր ոտճիկ չտալու համար բողոքելու դեպքում մեղքը գցել հետմանի վրա:

Այս սկզբնական ազիտացիան շուտով տվեց իր պտուղները: Յերբ ընտրվեց Հետման Վիգովակին՝ Խմենիցկու նախկին գլխավորական գրագիրը, Չախալին ապստամբութուն բարձրացրեց նրա դեմ, վորին գլխավորում եր Պոլտավայի գնդապետ Պուշկարը: Բայց Մոսկվան նկատի ունեւ միայն թուլացնել հետմանին, և վոչ թե կռվել նրա հետ, և նրան թույլ տվեց հաշվետես կատարելու շարժման հետ:

Վիգովակին, հաղթանակ տանելով, շարունակեց Խմենիցկու քաղաքականութունը և անցավ Լեհաստանի կողմը Գաղայի 1659 թվի հողվածների հիման վրա, վորոնք ընդարձակել էյին Ձբորովի հին դավադրութունը:

Մոսկվան վորձեց իր կողմը վերադարձնել ավագանի-շլախտան Յուրիյ Խմենիցկու հեղինակավոր անունով, բայց նա յեւ աջափնյա լեհերի ավագանու հետ միասին անցավ լեհերի կողմը, իսկ Մոսկվան հատուցեց նրանով, վոր 1660 թվին Չուգնովոյի մոտ կորցրեց իր զորքը:

Մոսկվայի կառավարութունն այն ժամանակ վորոչեց հենվել ուկրայնական հասարակության ավելի դեմոկրատական խավերի վրա: 1663 թվին «Սե ուղայում», Գլուխովոյի մոտ իբրև Աջափի հետման անցավ Չապորոժյեյի կազակության կողմից գերված Բըյուխովեցկին:

Մոսկվայի ու Լեհաստանի գաղութային շահերի պայքարում, տեղական ուժերի պայքարում աստիճանաբար անհայտանում էյին ազգային պայքարի խնդիրները: 1667 թվին Մոսկվայի և Լեհաստանի միջև 20 տարով կնքված անդրուստոյան ղինադադարը Ուկրայնան բաժանեց նրա յերկու ուժեղ գրացիների միջև: Մոսկվային անցավ Չախալը կիսով և նրա մերձավոր շրջակայքով: Ուկրայնական ազգային շարժման վերջին բնկումները ջարդվեցին ընդհարվելով Մոսկվայի ու Լեհաստանի համերաշխ գիմադրությանը: 1668 թվին Մոսկվայի կառավարութունը նույնիսկ հատուկ պետականութուն ուղարկեց Ֆրանսիա, Իսպանիա և Իտալիա, վորպեսզի Լեհաստանի համար դաշնակիցներ վորոնի թյուրքիայի

¹ Հարավային և Արևմտյան Ռուսաստանի սկտերը, XI հ., էջ 787—789.

հետ մղած նրա կովում, վորը հովանավորում եր աջաինյա ավագանու՝ անկախութեան համար մղած կռիվը:

Հարյուրամյակի վերջում Ուկրաինան նվաճված եր: Ավագանին սկսեց հաստատել իր դասակարգային գերիշխանութունը ճորտատիրական Մոսկվայի ու Լեհաստանի հովանավորութեամբ: Անցավ մոտ մի հարյուրամյակ եր, և Ուկրաինան կորցրեց իր քաղաքական ինքրուրույնութեան վերջին մնացորդները:

6

Յորհրդային, մարքսիստական պատմագրութեանը մինչև այժմ չի ավել վերև քննարկված հարցերի ծավալուն հետազոտութեանը: Սրա պատճառը նրա մեջ մինչև այժմ գերիշխող Մ. Ն. Պոկրովսկու շկոլայի ընդհանուր մոթողութիական դրույթներն են, վորոնք այս հարցում ևս գերի յեն մնացել սոցիոլոգիական սխեմատիզմին ու տնտեսական մատերիալիզմին, իսկ յերբեմն ել ուղղակի գերի յեն մնացել այն բուրժուական սխեմաներին, վորոնց դեմ նա պայքար եր մղում:

Արդեն հենց այն բնորոշումը, վոր Մ. Ն. Պոկրովսկին տալիս ե Ուկրաինայի XVII դարի շարժմանը՝ «կազակային հեղափոխութեան», արմատապես սխալ ե: Չնայած կազակութեան մեջ յեղած հակասութեաների վերաբերյալ մի ամբողջ շարք ճիշտ ցուցումներին, վերջինս Մ. Ն. Պոկրովսկու պատկերացումով հանդես ե գալիս իբրև միասնական ուժ, ուստի և յուրահատուկ կազափար ե ստեղծվում շարժման «միդասակարգութեան» վերաբերյալ: Այս դեպքում ըստ Պոկրովսկու ստացվում ե, վոր կազակը «մանր հողագործ ե, վորը շատ ե հիշեցնում այն ժամանակվա ծայրագավառային կալվածատիրոջը», Մոսկվայի պետութեան մանր ծառայող մարդու հարազատ յեղբայրը. միևնույն ժամանակ այս կազակ-հողատերը պատկերացվում ե իբրև խորթ ամեն մի ֆեոդալական շահագործման և հայտարարվում ե «կազակային բուրժուազիստ»: Այսպիսի սոցիալական բնութագիր տալով կազակութեանը, Պոկրովսկին դրանով իսկ հանում եր XVII դարի դասակարգային պայքարում քաղաքի և մեշչանութեան ունեցած գերի հարցը:

Սրանից բխում եր նաև լեհական գերիշխանութեան դեմ Ուկրաինայի մղած պայքարի հետագա՝ Պոկրովսկու տնտեսական կոնցեպցիայի համար տիպիկ ըմբռնումը: Պարզվում ե, վոր լեհական ինտերվենցիան և ավագանի-շկոլատայի բլոկի պայքարը

միայն ներկայացնում ելին հնագույն «նատուրալիստական ֆեոդալիզմի» վերաքման յերկու տարրեր յեղանակները՝ այսինքն ակններև և ֆեոդալիզմի վերացումը նոր բուրժուական հարարելություններով, և հարցը վերաբերում և այս վերացման ուղիներին միայն: Այս պատճառով Պոկրովսկու սխեմայի մեջ իբրև լեհական գերիշխանության իսկական հակամարտ ուժ դուրս և գալիս ուկրաինական մագնատը, և ըստ ելության ավագանի-շլյախտայի այս գերիշխանության դեմ մղած պայքարը մնում և չբացատրված: Նրա մոտ չկա լեհական գերիշխանության դեմ մղված ազգային պայքարի դասակարգային հիմքի բացատրությունը, չկա նաև ազգային պայքարն իբրև ինքնուրույն պատմական պրոբլեմ:

Այս պատճառով Մ. Ն. Պոկրովսկին չկարողացավ տալ նաև յերրորդ պրոբլեմի՝ Մոսկվայի ինտերվենցիայի և Ուկրաինայի բաժանման հարցի ճիշտ լուծումը, վորովհետև այս հարցը նա լուծում և արևելյան Յեվրոպայում պետության գոյացման պրոցեսի վերաբերյալ ամբողջ հարցից դուրս, ինչպես այն դրել և ընկեր Մտալինը: Ուկրաինայի կողմից ամեն ինչ սպասվում և Մոսկվայի հետ դաշինք կնքելու «քաղաքական անհրաժեշտությունը կադախության համար» ֆորմուլայով և այս ֆորմուլայի հետև անհայտանում և ազգային կռիվը: Իսկ Մոսկվան պատկերացվում էր իբրև այս միացմանը պատսիվորեն սպասող, այսինքն ընկնում էր քաղաքականապես «ավելի զարգացած ազգի» բուն պայքարը «պակաս զարգացած ազգի» հպատակեցման համար (ՄՏԱԼԻՆ): Այս սխեմայում իսկական բացատրություն չեն ստացել վոչ Ուկրաինային տիրապետելու համար Մոսկվայի պայքարի ամբողջ բարդությունը, վոչ ևլ Ուկրաինայի հետագա ուսուլեհական բաժանումը:

Մ. Ն. Պոկրովսկու աշակերտների մտքած ուղղումները մնում ելին նույն պայմանական սխեմատիզմի շրջանակներում: Նրանք կազակային հեղափոխությունը սոսկ փոխարինեցին գյուղացիական հեղափոխությունը:¹ Չխոսելով հենց այն ձևակերպման սխալ լինելու մասին, վոր գյուղացիական տարերային շարժումը պատկերացնում և իբրև հեղափոխություն, այս սխեման շարժման ամբողջ բովանդակությունը հանգեցնում էր այս շարժման մի տար-

¹ Տես Տուսիևսկու գիրքը՝ «Ֆեոդալական-ճորտատիրական Ռուսաստանի գյուղացիական պատերազմները», Փուլգագ, Մ. 1932.

ըին: Գյուղացիական պատերազմի մեջ Սմեղնիցիւոն և նրա ներկայացրած ավագանի-շլյախտային մեշչանական բլոկին թողնվում էր կամ գյուղացիութեան դեմ կռիւլու ուղղակի հակահեղափոխական դեր, կամ գյուղացիական շարժման առաջնորդի դերը, վերջ դավաճանել և այս շարժման, այսինքն անհասկանալի յե մնում Ուկրաինայի XVII դարի դասակարգային և ազգային կռիւլի ամբողջ բարդ հյուսվածքը:

Մարքսիստական պատմագրութեան խնդիրն և ՀամԿ(բ) Կ Կենտկոմի և ԽՍՀՄ Ժողկոմխորհի՝ դասազրքերի վերաբերյալ վերջին ցուցումներին համապատասխան հաղթահարել սոցիոլոգիական այս սխեմատիզմն ու հակապատմական պարզացումն իսկական մարքսիստական-լենինյան մեթոդոլոգիայի հիման վրա:

(„Борба Класов“, № 4, Ապրիլ, 1936:)



394

ԳԱԱ Հիմնարար Գիտ. Գրադ.



220032859

(224)

122

ԳԻՆՆ Ե ՂՕ ԿՈՊ.

II
32859